

Հայերէն շինարարական արձանագրութիւն ունեցող վիմափոր եկեղեցին (թերեւս, նաեւ՝ նրա կողքին գտնուող եւ արձանագրութեան համար հարթած խորշ ունեցող աղոթարանը), կառուցուած է 1291 թուականին, իսկ թէ մինչեւ այդ քարայր եղել է թէ ոչ, կամ եթէ եղել է իբրեւ ինչ է ծառայել, մեր պարագայում անկարելի է ստոյգ որոշել: Ինչ վերաբերում է Ն. Տոկարսկու տեսութեանը, թէ նրանք զրեթէ ժամանակակից պիտի լինեն Աղցի դամբարանին, արձանագրութեան վերծանութեամբ չի հաստատուում: Մենք հիմնաւոր ապացոյցներ չենք գտնում վերանայելու Ն. Մառի եւ Յ. Օրբելու այն համոզմունքը, թէ «Այդ քարայրերը, անկասկած, արհեստական ծագում ունեն եւ բնակարան են ծառայել Անիի առաւել աղքատ դասակարգի բնակչութեան համար եւ իրենց ներկայ տեսքով ամենեւին չեն ներկայացնում նախնադարեան կացարանների մնացորդներ, ինչպէս այդ ենթադրուում էր, այդ քարայրերում ապրում են եւ այժմ»²⁴:

Առաւել վիճարկելի է Արմէն Զարեանի այն դրոյթը, թէ Անին ի սկզբանէ ծրագրուել է իբրեւ ստորգետնեայ բազիլիկացուցիչ ունեցող քաղաք²⁵:

Սակայն այս խնդիրը մասնագիտական այլ քննութիւն է պահանջում:

ԾԱՆՕԹԱԳՐՈՒԹԻՒՆՆԵՐ

1. Դ. Ա. Կիփշիձե. *Пещеры Ани*. (Материалы XIV Анийской археологической кампании 1915 года). Обработка материалов, чертежи, предисловие и комментарии Н. М. Токарского, Ереван, 1972, стр. 17.
 2. Ա.Ա., էջ 166, 171:
 3. Ա.Ա., էջ 19:
 4. Ա.Ա., էջ 121-126:
 5. Ա.Ա., էջ 122: Հմմտ. Ի. Ա. Օրբելի. *Краткий путеводитель по городище Ани*, СПб, 1910.
 6. Ա.Ա., էջ 123:
 7. Դ. Ա. Կիփշիձե, նշ. աշխ., էջ 124:
 8. Կ. Ե. Բասմաճյան, *Le inscriptions arméniennes d'Ani*.-«Revue de l'Orient chrétien». 3e série, t. III (XXIII), 1922-1923, p. 340-341.

9. Դիւան հայ վիմագրութեան, պրակ I, Անի քաղաք, կազմեց Յ. Ա. Օրբելի, Երեւան, 1966, էջ 67-68 (N209), Ն. Տոկարսկի վիմագրի տեքստը ժամանակին փնտրել է Յ. Օրբելու կամ Դ. Ղիփշիձէի հաւաքած նիւթերի մէջ եւ չի գտել (տե՛ս Կ. Ե. Կոթարսկի, *Из истории пещерного строительства в Ани*.- «Историко-филологический журнал», 1966, N 1, стр. 125-138): Դիւանի աղիւսակները տպագրուել են 1924 թ., եւ նրանցում յիշեալ վիմագիրը ներկայացուած է:
 10. Սթե/Սիթի անուան հոլովման առանձնապատկութեան մասին տե՛ս Կ. Ե. Մարր. *От редактора*, [Վիմական տարեգիր, կազմեց Կ. Կոստանեանց, Ս. Պետերբուրգ, 1919, էջ XIII-XIV]. Ս. Ա. Աւագեան, *Ի յանգող անձնանունների սեռական, տրական հոլովների կազմութիւնը Ժ-ԺԳ դարերի վիմական արձանագրութիւններում*, «Մառը եւ հայագիտութեան հարցերը», Երեւան, 1968, էջ 156-160:
 11. Ցանկը կազմողը, բնականաբար, Յ. Օրբելին չէ:
 12. Մանրամասնութիւնները տե՛ս Կ. Ե. Մարր, նշ. աշխ., էջ 135-138:
 13. Ա.Ա., էջ 137:
 14. Դ. Ա. Կիփշիձե. *Пещеры Ани*, стр. 179-180.
 15. Տե՛ս Պարոյր Մուրադեան, *Հայաստանի վրացերէն արձանագրութիւնները*, Երեւան, 1977, էջ 178, 182:
 16. *Վրաց ժամանակագրութիւն* (1207-1318), թարգմանութիւնը հին վրացերէնից, առաջարկը եւ ծանօթագրութիւնները Պարոյր Մուրադեանի, Երեւան, 1971, էջ 111:
 17. Դ. Ա. Կիփշիձե, նշ. աշխ., էջ 122-123:
 18. Տե՛ս Ս. Մ. Մուրադեան, *Проблема конфессиональной ориентации церкви Онеца*.- «Кавказ и Византия», вып. 5, Ереван, 1987, стр. 42 и 43: ՈՒՆԸՆԴՈՅ-ի ուղղական հոլովածները ՈՒՆՈՒՆԴՈՅ-ն է:
 19. Ի. Ա. Օրբելի. *Избранные труды*, Ереван, 1963, стр. 105.
 20. Այդ արձանագրութեան կապակցութեամբ հանգամանալի քննութիւն տե՛ս Բ. Յ. Բենешевич, *Три анийские надписи XI века из эпохи византийского владычества*, Петербург, 1921, стр. 21-28, նաեւ Ս. Ա. Աւագեան, *Վիմագրական պրպտումներ*, Երեւան, 1986, էջ 26-45, հմմտ. Պ. Մուրադեան, *Բնագրագիտական դիտարկումներ*, ՊԲՀ, 1994, թիւ 1-2, էջ 176-182:
 21. Ի. Ա. Օրբելի, նշ. աշխ., էջ 114:
 22. Ա.Ա., էջ 123:
 23. Ա.Ա.:
 24. Տե՛ս Ս. Մ. Մուրադեան, *Проблема...*, стр. 45.
 25. Ա.Ա., էջ 123:

ՆՈՒԻՐԱՏՈՒԱԿԱՆ ՅՕԴՈՒԱԾՆԵՐԸ ԿԱՆՈՆԱԿԱՆ ՈՐՈՇՈՒՄՆԵՐՈՒՄ ԵՒ ԴԱՏԱՍՏԱՆԱԳՐՔԵՐՈՒՄ

Լեւոն Սարգսեան

Ա. Նուիրատուական յօդուածներ

Միջնադարեան Հայաստանի գրաւոր աղբիւրներում, յատկապէս եկեղեցական ժողովների որոշումներում, կան բազմաթիւ յօդուածներ, որոնք աղբիւրում են նուիրատուութեան հարցերին: Վաղ միջնադարում դրանց յատուկ անդադարձել է դեռեւս կաթողիկոս Սահակ Պարթեւը (387-439):

Հայոց եկեղեցին իր հիերարխիկ աստիճանակարգով ունէր առաւել կենտրոնաձիգ եւ համապարփակ իշխանութիւն: Բարձրագոյն գահաւորակին բազմած հայրապետին ենթակայ էին բոլոր հոգեւոր իշխանաւորները, որոնք ամենատարբեր պատուակներով երբեմն ունենում էին սուր վէճեր եւ բախումներ: Կենտրոնախոյս նկրտումներ ունեցող բարձրաստիճան բոլոր հոգեւորականներին վեհափառն իրաւունք ունէր նզովելուց բացի պատժի ենթարկել, կարգալոյծ անել, ինչպէս նաեւ աքսորել: Մեզ հետաքրքրող ժամանակաշրջանում անհնազանդութեան երեւոյթներ հանդէս եկան յատկապէս Սիւնիքում, Արցախում եւ այլուր: Բարձրաստիճան հոգեւորականութեան (Յակոբ Ապստամբ, Խոսրով Անձեւացի եւ այլք) ընդվզումները կաթողիկոսարանի դէմ առաւել յաճախ տեղի էին ունենում գաղափարաբանական, ինչպէս նաեւ տնտեսական հողի վրայ: Այդ իսկ պատճառով եկեղեցու աւանդապահ հայրերը հռչակեցին օրէնքներ եւ կանոններ, որոնք քաղաքացիութեան լայն ճանաչում ստացան դեռեւս վաղ աւատատիրութեան դարաշրջանում: Սահակ Պարթեւի օրօք եկեղեցական թեմերի մէջ առաջացան անհամաձայնութիւններ եկեղեցիների ու

վանքերի կարգավիճակի եւ տասանորդ հարկի առնչութեամբ: Սահակն այդ հարցերը լուծելու համար գրում է օրէնքի աստիճանի բարձրացուած կանոններ, որոնցից է մեզ հետաքրքրող, ստորեւ բերուող ՇԾԵ (ՇԾԱ, ԼԶ) կանոնում կարգուած ենք.

«Քանզի բազումք կարծեցին տգիտութեամբ այլ զոմն եկեղեցի ասել եւ այլ զոմն վանս, եւ տխմար բանիւք իւրեանց կամեցան կռիւս եւ հերձուածս ի մի միաբանութիւն հաւատոց եւ մոռացան զպատուիրանին բանն որ ասէ. «Մի է Տէր, մի՛ հաւատք եւ մի՛ մկրտութիւն...»¹: Սահակի կանոններով սահմանուած են (յօդուած ԽԳ), թէ նուիրատուութեան որ մասն ում է հասնում²:

Հենուելով աստուածաշնչային դրոյթների վրայ, նկատի ունենալով Հայ եկեղեցու շահերը, Սահակ Պարթեւը աշխարհիկ մեծահարուստ հաւատացեալներին խորհուրդ է տալիս մասնաբաժին տալ եկեղեցու հայրերին՝ վկայակոչելով Ելից զրքի 23-րդ հատուածը, ուր ասուած է. «Դատարկածեռն ամենեւին մի երեւեսցիս առաջի իմ»³: «Գանձեցէք ձեզ զանձս յերկիրս, ուր ոչ ցեց եւ ոչ ուտիճ ապականեն եւ ոչ գողք ական հատանեն եւ գողանան»⁴:

Ընդամին կաթողիկոսը զգուշացնում էր, որ տասանորդը պէտք է տարբերել ընծայաբերումից⁵: Այս կապակցութեամբ նա բարձր էր գնահատում գաւառական եպիսկոպոսների քորեպիսկոպոսների դերը, ուստի գտնում էր, որ նուիրատուութիւնները չի կարելի բաժանել կամ օտարել առանց գաւառի եպիսկոպոսի գիտութեան, — կարգում ենք Շահապիւլանի ժողովի կանոնական որոշումներում⁶: Նուիրատուական ե-

ղանակներով ձեռք բերուած ունեցուածքը եւ պատարագներից ստացուած դրամական գումարն արգելուած է տոկոսով դնել շրջանառութեան մէջ: Ներսէսի եւ Ներշապուհի Կանոնքում (յօդուած ՈԺԱ) (ՈՒ, Գ) կարգուած ենք. «Եղին ոմանք եւ վաշխս վասն դահեկանաց իւրեանց»⁷: Հետաքրքիր է ՈՒԱ (ՈԺԷ, ԺԳ) կանոնը, ուր կարգուած ենք. «Եւ ժողովրդականք մի հրապուրեսցին ի նոցանէ ի բաժանումն սրբոյ եկեղեցոյ, զի պատճառ խռովութեան բերէ, այլ զպտուղս եւ զմուտս ժողովրդականք միաբանութեամբ ի սուրբ եկեղեցին հատուցեն ամենայն յաւժարութեամբ անխափանգ գլխաւոր քահանայիցն՝ Բ մասունք եւ կէս մասին, եւ այլ քահանայքն՝ մէն Բ մասունս, եւ սարկաւազունքն՝ մի մասն եւ կէս մասին»... եւ այլն⁸:

Մեծահարուստ մարդիկ ցանկանում էին իրենց մահուանից յետոյ թաղուել եկեղեցու ներսում, ուստի այդ նպատակի համար նրանց հարազատները ծախսում էին մեծ գումարներ: Հետեւաբար, ՈՒԸ (ՈՒԴ) կանոնը սահմանում է. «Գերեզմանս յեկեղեցիս մի իշխեսցեն առնել...»⁹: Նրա յորդորով «Իշխանք զգեաւղս եւ զդաստակերտս եւ գանձս ոսկոյ եւ արծաթոյ, այլք յանդաստանաց եւ ի պաճարաց»¹⁰ պէտք է տան:

ՇԾԱ (ՇԾԵ, ԼԶ) կանոնում, դարձեալ հիմք ունենալով Ս. Գիրքը, Սահակ Պարթեւը գտնում էր, որ «Աղքատք խնամեալք, տնանկը յապահովացեալք» պէտք է լինեն: Նա զգուշացնում էր, որ տասանորդը պէտք է տարբերել ընծայաբերումից¹¹: Նկատի ունենալով եկեղեցու սպասաւորների անհագուրդ սեփականելու արգահատելի արարմունքը, օրէնսդիրը սահմանում է, որ քահանաներն իրաւունք չունեն հոգեւոր օջախներին նուիրաբերուած անասունները տանել իրենց տուն¹²:

ՈՒԸ (ՈՒԴ) կանոնը արձանագրում է. «Գերեզմանս յեկեղեցիս մի իշխեսցեն առնել...»¹³:

Կաթողիկոս Յովհան Մանդակունին (478-492 թթ.) անդրադարձել է պատարագներին, որոնք հանդիսանում էին նաեւ եկամտի աղբիւրներ: Պատարագները, ինչպէս յայտնի է, սուրբ եւ խորհրդաւոր արարողութիւններ են, սակայն երբեմն եկեղեցու սպասաւորները ծուլանում էին նախանշուած օրերին պատարագել յանգուցեալների հոգու փրկութեան համար:

Պատարագների եւ ընդհանրապէս յիշատակի օրերի մասին յատուկ նշում է Հայոց դատաստանագրքերում: «Վասն յիշատակի ննջեցելոց» յօդուածում¹⁴ Մխիթար Գոշը արձանագրում է, որ յիշատակի արարողութիւններ կատարելիս պէտք է նախօրօք պարտադիր հաշուի առնել յանգուցեալի ցանկութիւնը¹⁵: Պատարագների դիմաց ստացուած նուիրատուութիւնները, ընդունուած կարգի համաձայն, բաշխուած էին նուիրաբերողի ցանկութիւնը հաշվի առնելով եւ, նուիրատուութիւնն անցնելով նոր տիրոջը, համարուած էր անձեռնմխելի: Կտակների կապակցութեամբ Մխիթար Գոշը սահմանում է, որ կտակները պէտք է ձեւակերպել ոչ պակաս 3 վկաների ներկայութեամբ¹⁶:

Եկեղեցուն նուիրաբերուած գոյքը չի կարելի վաճառել. «Եւ ագարակք եւ այլ ստացուածք, զատուցեալք յեկեղեցիս, մի՛ վաճառեսցի, զի կալուած յաւիտենական այն նոցա»¹⁷:

Կանանց անժառանգ լինելու դեպքում, գոյքը հասնում է ամուսնուն, իսկ եթէ ամուսին չունի, այն տրուում է եկեղեցուն¹⁸:

Սելջուկ-թուրքերի հզօրութեան շրջանում, յատկապէս Մելիք-Շահի տիրակալութեան օրօք խորասանցի Նիզամ ալ-Մուլքի հեռատես քաղաքականութեան շնորհիւ վանքերն ազատուած էին պետական հարկերից¹⁹: Այս կապակցութեամբ Մատթէոս

Ուռհայեցին, գրում է, որ Մելիք-Շահը «եղեւ այր բարի եւ ողորմած եւ յոյժ քաղցր ի վերայ հաւատացելոցն Քրիստոսի»²⁰:

Սակայն պատմութիւնը վկայում է, որ օտար տիրակալներն այնքան էլ «բարի եւ ողորմած» չէին քրիստոնեայ ժողովուրդների նկատմամբ: Այդ են ապացուցում նուիրատուական վիճաբերի գոնէ անէծքի բաժինները:

Բ. Նուիրատուական կալուածագրերի ձեւակերպման վկաները.

Միջնադարեան Հայաստանում, յատկապէս զարգացած աւատատիրութեան շրջանում ամենատարբեր պարագաներում որոշակի հարստութիւններ կուտակեցին Հայոց վանքերն ու նրանց առաջնորդները: Այդպիսի կրօնա-մշակութային հաստատութիւններից էր հանրահաշակ Տաթեւի վանքը, որն իշխանների աջակցութեամբ աստիճանաբար սկսեց ընդլայնել սեփական տիրոյթների սահմանները: Դեռեւս 839 թ. Սիւնեաց եպիսկոպոս Տէր Դաւիթը դիմում է գահերեց իշխան Փիլիպէին՝ խնդրելով նրան «ընդ գնոյ տալ զմերձակայ ագարակսն»²¹, ապա սեփականում է նաեւ մերձակայ Արծիւ եւ Բերդկաներեջի գիւղերը «ազատ ամենայն աշխարհական հարկաց եւ ի նեպակաց»²²: Գործարքը կնքուած է վաճառողի եւ գնողի մատանիներով: Նուիրատուութեան արարողութեամբ նշուած են օտարուող գիւղի աշխարհագրական սահմանները «...լերամբ եւ դաշտիւ» եւ այլն:

Մասնակիցները փաստաթուղթը սովորաբար մատանում էին, իսկ թագաւորը կամ գերագահ աւատատէրը կնքում էր իրենց մատանիով «Մատանի եղաւ»: Նման իրաւական գործերի ընթացքն ապահովելու նպատակով Մխիթար Գոշը սահմանում է, որ կալուածագիրը կամ նուիրագիրը պէտք է ձեւակերպել ոչ պակաս 3 վկաների ներկայութեամբ²³: Գահերեց իշխանը յատուկ նշում է, որ այդուհետեւ իր հարազատները

եղբայրները, որդիները կամ «խոստակդարները» (կալուածատէրերը) իրաւունք չունեն չկատարելու իր կամքը:

Այդ գործարքից հինգ տարի յետոյ 844 թ. Տաթեւի վանքին է նուիրաբերուած Տաթեւ գիւղն ամբողջութեամբ: Այս արարողութեանը մասնակից են դառնում 35 վկաներ, ընդ որում 26 աշխարհիկ եւ հոգեւոր դասի 9 ներկայացուցիչներ, որոնց յանուանէ նշում է Ստեփանոս Օրբէլեանը:

Այդ վկաներն են՝

1. Գրիգոր Սիւնեաց տէր,
2. Ատրներսէ՛՛՛ որդի Վասակայ Սիւնեաց տեառն,
3. Գրիգոր՝ Սահակայ որդի,
4. Հրահատ՝ Սահակայ որդի,
5. Արուման՝ Սահակայ որդի,
6. Հրահատ՝ Գրիգորի որդի,
7. Գագիկ՝ Գրիգորի որդի,
8. Վահան՝ Վարդանայ որդի,

Ազատներից՝

9. Հուռ,
10. Քուրդոյ ---- Շապուհի որդիք,
11. Խոսրով,
12. Զեւանշեր՝ Թեոդորոսի որդի,
13. Աշնակ՝ Վահանայ որդի,
14. Զագիկ՝ Վահանայ որդի,
15. Վարդան՝ Զանադայ որդի,
16. Սահակ՝ Վասակայ որդի,
17. Միհրան՝ Թուրքայ որդի,
18. Յովհան՝ Ներսէհի որդի,
19. Մուշեղ՝ Տիրոցի որդի,
20. Հասան՝ Շապուհոյ որդի,
21. Վահան՝ Մխիթարայ որդի,
22. Մուշեղ՝ Սմբատայ որդի,
23. Վահան՝ Բաբգենի որդի,
24. Բաբգէն,

25. Վասակ,-----Փիլիպէի որդիք

26. Աշոտ:

Ապա ստորագրում են հոգեւոր դասի ինը ներկայացուցիչները՝

27. Ահարոն՝ Երիցու²⁴ վանական,

28. Գրիգոր քահանայ,

29. Ստեփանոս՝ Մաքենոցաց²⁵ վանական,

30. Յակոբ՝ Ոյծի²⁶ աւագերեց,

31. Մանկիկ՝ Մղկայ քորեպիսկոպոս,

32. Ստեփանոս՝ Ծիծառնու²⁷ վանական,

33. Գրիգոր՝ դրան երեց,

34. Սիմէօն՝ Շաղատայ²⁸ վանական,

35. Գրիգոր՝ Սիւնեաց վարդապետ:

Սոյն կալուածագիրն ունեցել է «վեց կնիք մեծամեծ իշխանացն վասն առաւել հաստատութեան»²⁹:

Այս նուիրատուական ակտը ուժի մէջ է լինելու յաւիտեանապէս՝ «մինչեւ ցալուստն Քրիստոսի»³⁰: Ընծայագրում յատուկ նշում է, որ այլեւս ոչ ոք իրաւունք չունի Տաթեւ գիւղը բռնագրաւել վանական միաբանութիւնից, վաճառել, փոխանակել կամ «գրաւական դնել» այն:

Նոյն 844 թ. Սահակ իշխանի որդի Հրահատը եւ Արուսեանի եղբայր Գրիգորը, որոնք Քաշունիք եւ Կովսական գաւառների բնիկ տերերն էին, գալիս են Դաւիթ եպիսկոպոսի մօտ եւ Տաթեւի վանքին են ընծայում գիւղեր եւ ագարակներ: Իշխան Հրահատը կալուածագրում նշում է այս նուիրատուութեան բուն պատճառը. («Վասն իմ չար եւ անիրաւ զնացից, որ որսացեալ էի ի սատանայէ բազմագգի յանցանօք, եւ լցեալ իբրեւ զծով անթիւ չարեօք... զմտաւածեալ զանգաւակութիւնս իմ... գիտելով զի մահկանացու է ազգ մարդկան աստուածընկալ սուրբ խաչի ապաւէն ինձ արարի փոխանակ որդեաց») եւ Կովսականի Նորաշինիկ գիւղը, որ ձեռք էր բերուել

«յարդար վաստակոց՝ ստացեալ զնոյ արծաթի» բոլոր շրջակայ տարածքներով նուիրում է Տաթեւի վանքին³¹: Կալուածագրում յանուանէ նշում են Նորաշինիկի բոլոր սահմանները: Գործարքին մասնակցել են 18 վիկներ³²: Նոյնը տեսնում ենք վիմական արձանագրութիւններում: Նուիրատուներից մէկը արձանագրում է, որ Հաղբատի վանքին է նուիրում իր այգին, իշխելով «զբազում յանցանս իմ»³³:

Յաճախ լինում են դէպքեր, երբ «հոգեցատուր» արուած գիւղերն ու կալուածները քաղաքական աննպաստ պայմանների ժամանակ յափշտակուում էին³⁴: Օրինակ խոփտո (կամ խոտո) կոռավարը Գեւորգն ընծայաբերել էր Ս. Նշանին, սակայն «զինչ պատճառով» այն յափշտակել էին: Տէր Սողոմոնը Գրիգորի որդի Հրահատից «ընդ գնոյ» վերցնելով խոտ եւ Դարատափ գիւղերը՝ նուիրաբերում են Տաթեւի վանքին³⁵: Նոյն երեւոյթը տեսնում ենք Հաղարծնի վանքի նուիրատուական գործարքում³⁶:

Առատածեռն նուէրներով առանձնապէս աչքի է ընկնում Գրիգոր Սուփան իշխանը, որը Կոթ գիւղաքաղաքում կառուցած եկեղեցու սպասաւորներին, բացի ուրիշներից, ընծայաբերում է բազմաթիւ կալուածներ, որոնցից իրաւունք չունէր օգտուելու նոյնիսկ Հայոց կաթողիկոս Յովհաննէս Դրասխանակերտցին³⁷:

Երբեմն՝ նուիրաբերելու նպատակով փոխանակուում են գիւղերը: Սիւնեաց իշխան Ջեւանշիրը եւ աթոռակալ եպիսկոպոս տէր Սողոմոնը (Ս. Յակոբեանի մօտ սխալմամբ՝ «Տէր-Սիմոն»)՝ Կովսական գաւառի Բեխ գիւղը 871 թ, փոխանակում են Բաղք գաւառի Արուքս գիւղի հետ³⁸, ընդ որում մանրամասնօրէն նշում են փոխանակուող գիւղերի տարածքներն ընդունուած կարգի համաձայն՝ միշտ թուարկելով գիւղերի սահմաններն արեւելեան կողմից⁴⁰: Զաքարիա ամիրսպասալարը Հաղբատավանքին է նուիրում Աշոցքում գտնուող իր փոխանա-

կած Հաղարաշին գիւղը, «զի այս գեղերս հեռի էին Հաղբատայ, փոխեցի եւ ետու հայրենիք... առի երկու գեղն փոխան զՀաղբատ հայրենիք ամենայն սահմանաւք, ոնց բնական եղեալ է հողով եւ ջրով, խոտամարգաւք, մայրիւք եւ ջաղացովք, գոմամարգերաւք, լերամբ եւ դաշտիւ: Եւ է այս գեղ ազատ յամենայն հարկէ ի պարոնաց, ի ձեռնաւորաց, ի գիւղականաց...»⁴¹:

Տաթեւի Պողոս-Պետրոս եկեղեցու 906 թ. նաւակատիքի ժամանակ Սմբատ Ա Բագրատունի թագաւորը «ընդ գնոյ ստացեալ» կալուածներ է ընծայաբերում Տաթեւի վանքին: Այդ կալուածներից էին այժմեան Մեղրու շրջանի Կարճաւան աւանը. «Գնէ եւ զՀարփիս ի տերանցն Սիւնեաց եւ զայն եւս ընծայէ ազատ յամենայն հարկաց: Տայ եւ ի Գեղաքունի, ի Սողից գաւառիք»⁴²: Առատ նուէրներով աչքի է ընկնում յատկապէս Սիւնեաց իշխանաց իշխան Աշոտը⁴³:

Շատ դէպքերում հաւատացեալները գնելով այս կամ այն կալուածը, ագարակը, գիւղը, գոյքը՝ նուիրաբերում էին իրենց համայնքի ցանկացած հոգեւոր օջախին⁴⁴: Բազմաթիւ վկայութիւններ կան «հայրենի հող» համարուող հողակտորների, այգիների, մարգագետինների, հնձանների, ապա նաեւ նուիրատուութեան նպատակով նրանց զնման եւ վաճառքի մասին⁴⁵: Բագարանի վիմագրերից մէկում կարդում ենք, թէ ինչպէս 1034 թ. Շապուհի որդի Հայր Մարկոսը Յովհաննէս-Սմբատ շահնշահից :ԵՌ: |5000| դրամով գնելով մի շարք հողակտորներ, աճեցնում է այգիներ, կառուցում է հնձան եւ «ջաղաց մի Մրենի ետու ի ս. կաթողիկէս...»⁴⁶: Գարբանէլի որդի, իշխանաց իշխան Շապուհը, որ իրեն կոչում է «ի տոհմէն Պահլաւունի», գնում է «զՈւնակայ տափն» եւ նուիրաբերում է Սանահնի վանքին⁴⁷: Մի շարք գանձագին այգիներ են ձեռք բերում Հոռոմոսի՝ Բագնայրի վանքերը: Ոմն «Գարեգոյն երէց» Բագնայրի վանք-

քին նուիրում է «... գանձագին տեղն զՆորաղբոյրիկ իւր ամենայն անդաստանաւք...»⁴⁸: Բազմաթիւ կալուածներ են ձեռք բերում Հաղարծնի, Սաթրավանքի, Հաղբատի, Սանահնի, Օշականի եւ այլ վանական միաբանութիւններ:

Հայաստանի կրօնական հաստատութիւնները մեծ կարողութիւն են կուտակում Պետրոս-Գետաղարձ կաթողիկոսի գահակալութեան տարիներին: Յիշեալ կաթողիկոսը, օրինակ հանդիսանալով միւսներին, Բագնայրի եկեղեցուն է ընծայում իր «գանձագին հայրենիքը», ինչպէս նաեւ «:է: (7) տուն, գանձագին կողպականին, որ Վասլին փնդկին ընդգէմ է»⁴⁹: Ցաղաց քարի միաբանութիւնը իբրեւ նուէր ստանում է «մարգ եւ այգի»:

Հետաքրքիր բովանդակութիւն ունի Ջուրջի թոռ Ամիրայի նուիրատուական արձանագրութիւնը: Նա գրում է. «զՅաղթա այգին, որ ի պարոն Տարսաիճէն գնեցի :ԴՌ: (4000) դրամ ու ի :Գ: (3) ջրի տվի ի սբ ուխտս...»⁵⁰: Այս նուիրատուութիւնը չեղեալ յայտարարողները պարտաւոր են :ԴՌ: դրամը եւ 3 ջրիները ետ վերադարձնել Նորավանքին⁵¹:

Քաղաքական պայմաններից դրդուած եւ երկրի շահերը նկատի ունենելով՝ թագաւորը իրաւունք ունէր ամբողջական գաւառներ, քաղաքներ, գիւղեր ու ագարակներ ընծայել իրեն հաւատարիմ աւատին ի հաշիւ պետութեան անհաւատարիմ անձանց տիրոյթների: Օրինակ վերցնեք Նախիջեւանի փաստը, որը կռուախնձոր դարձաւ Հայաստանի երկու հզօր իշխանական տոհմերի՝ Սիւնեցիների եւ Արծրունիների միջեւ: Հոգեւորականութիւնը եւ եկեղեցին մշտապէս նեցուկ են եղել երկրի գերագոյն սիւզերենին, եւ վերջինս պարտաւոր էր վարձայատոյց լինել նաեւ նիւթական արժէքների տրամադրմամբ, մանաւանդ որ աշխարհիկ վերնախաւի իշխանութեան բացակայութեան պայմաններում եկեղեցու

Հայրերն օծտուած էին քաղաքական իշխանութիւն վարելու օրինականացուած կարգավիճակով:

Հայ եկեղեցին ամուր հենարան եւ կապող օղակ էր միջաւատական յարաբերութիւններում, ուստի առատ նուէրներ էր ակնկալելու թագաւորից, գահերէց եւ գահակալ իշխաններից: Եւ պատահական չէ առատ նուէրատուութիւնների այն հեղեղը, որ հոսում էր դէպի վանքերի շտեմարանները: Քննարկուող ժամանակահատուածում 9-14-րդ դարերում, Հայ առաւելապէս բարձրաստիճան հոգեւորականութիւնը նուէրատուութեան եւ գանձագին եղանակներով ստացաւ բազմաթիւ անշարժ եւ շարժական գոյք, հաստութեան հաստատութիւններ, որոնց նկատմամբ ունէր առաւելապէս սեփականատիրական, քան տիրութեան իրաւունք, որը հաստատուած էր կանոնական որոշումներով, սովորութային իրաւունքով եւ զարգացած աւատատիրութեան դարաշրջանի «Գիր-վճիռներով»:

ԾԱՆՕԹԱԳՐՈՒԹԻՒՆՆԵՐ

- 1 Կանոնագիրք Հայոց, Բ, Ա, աշխատասիրութեամբ Վ. Յակոբեանի, Երեւան, 1964, էջ 386:
- 2 Նոյն տեղում, էջ 400-401:
- 3 Նոյն տեղում, էջ 412-413:
- 4 Ելից, ԻԳ, 15: Կանոնագիրք, Ա, էջ 421:
- 5 Կանոնք Սահակայ Պարթեւի, յօդ. ԾԵ:
- 6 Կանոնագիրք Հայոց, Ա, էջ 455. տե՛ս Կանոնք Ծահակայիւսանի ժողովի, յօդ. ԺԶ:
- 7 Կանոնագիրք Հայոց, Ա, էջ 479
- 8 Նոյն տեղում, էջ 483
- 9 Նոյն տեղում, էջ 486
- 10 Նոյն տեղում, էջ 421: «Պաճար» նշանակում է «նախիր, անդէս, արջառ, եզն եւ կով, լայնաբար ամենայն անասուն», - տե՛ս Նոր բառգիրք Հայկազեան լեզուի, Երեւան, 1981, էջ 590-591:
- 11 Կանոնագիրք Հայոց, Բ, Ա, աշխատասիրութեամբ Վ. Յակոբեանի, Երեւան, 1971, էջ 486:
- 12 Բնմտ. Մխիթար Գօշ, Գիրք դատաստանի, աշխատասիրութեամբ Խոսրով Թորոսեանի, Երեւան, 1975, Գլ. ՄԳ, էջ 381, տես նաեւ էջ 117:
- 13 Մխիթար Գօշ, էջ 117:
- 14 Մխիթար Գօշ, էջ 381:
- 15 Նոյն տեղում, յօդ. ԾԶԳ, էջ 372:
- 16 Նոյն տեղում, էջ 66:

- 17 Նոյն տեղում, յօդ. Ղ, էջ 68:
- 18 Նոյն տեղում, յօդ. ՂԲ, էջ 69-70:
- 19 Յակոբ Մանանդեան, Քննական տեսութիւն հայ ժողովրդի պատմութեան, Բն. Գ, Երեւան, 1952, էջ 78:
- 20 Մատթէոս Ուռայեցի, Ժամանակագրութիւն, աշխարհաբար թարգմանութիւնը եւ ծանօթագրութիւնները Հրաչ Բարթիկեանի, Երեւան, 1981, էջ 222:
- 21 Ստեփաննոսի Սիւնեաց եպիսկոպոսի Պատմութիւն տանն Սիսական ի լոյս ընծայեաց Մկրտիչ Էմին, Մոսկվա, 1861, էջ 132: Այսուհետեւ՝ Ստեփանոս Օրբելեան:
- 22 Գր. Գրիգորեան, Սիւնիքի վանական կալուածատիրութիւնը 9-13-րդ դարերում, Երեւան, 1973, էջ 95:
- 23 Մխիթար Գօշ, էջ 72-73:
- 24 Երիցուվանքը (Երիցավանք) գտնում է Կապան-Գորիս ավտոմայրուղու աջակողմեան սարալանջին, այժմեան Արծուանիկ գիւղից վեր: Գիւղի մերձակայքում է գտնում դաւանան «Օոն Փոսն-գիւլի» անշուք տապանաքարը:
- 25 Մաքենցաց կամ Մաքենեաց վանքը եղել է Հայաստանի ամենանշանաւոր կրթա-մշակութային կենտրոններից մեկը: 9-րդ դարի առաջին տասնամյակներին Բաբելը (Բաբան Պարսիկ) կործանեց այն եւ սրատեց հայրենասեր վանականներից շատերին:
- 26 Ոյծը Սիւնեաց նահանգի Ծղուկ գաւառի (այժմեան Սիսիանի շրջան) պատմական գիւղերից մեկն է: Եղել են Մեծ եւ Փոքր Ոյծեր: Ուշ միջնադարից կոչուել է Ուզ:
- 27 Ծիծառնու վանքը (Ծիծեռնավանք) այժմեան Քաջաթաղի շրջանի տարածքում է: Հնագէտ-պատմաբան Յակոբ Սիմոնեանի ղեկավարած արշաւախմբի պեղումներից յետոյ վերականգնուել է բոստոնահայ բարերարների միջակայն աջակցութեամբ:
- 28 Շաղատը եղել է Սիւնիքի նախարարութեան առաջին գահանիստ կենտրոնը եւ հայ գրչութեան ամենանշանաւոր օջախներից մեկը: Շաղատի վարդապետները մեծ դեր կատարեցին Մեսրոպ Մաշտոցի ժամանակ հայագիր գրականութեան եւ թարգմանչական արուեստի զարգացման գործում: Շաղատը Անդոկ Սիւնեցու, Փատանձեմ հայոց թագուհու, Բաբիկի եւ Վասակ Մարգարի ծննդավայրն է: Մինչեւ օրս պահպանուել է նոյն անունով:
- 29 Ստեփանոս Օրբելեան, նշ. աշխ., էջ 151-152:
- 30 Նոյն տեղում, էջ 151:
- 31 Նոյն տեղում, էջ 153:
- 32 Նոյն տեղում:
- 33 Նոյն տեղում, էջ 152-153:
- 34 Դիւան հայ վիմագրութեան, Բն. 5, էջ 289:

- 35 Ս. Յակոբեան, Հայ գիւղացիութեան պատմութիւն, Բ. 1, Երեւան, 1957, էջ 238:
- 36 Ստեփանոս Օրբելեան, էջ 158-159:
- 37 Նոյն տեղում, էջ 149, 153, 159:
- 38 Ս. Յակոբեան, Հայ գիւղացիութեան պատմութիւն, 50-51:
- 39 Ստեփանոս Օրբելեան, նշ. աշխ., էջ 166-167:
- 40 Նոյն տեղում, էջ 167:
- 41 Դիւան հայ վիմագրութեան, Բն. 6, էջ 9, 75-74, 76, 103:
- 42 Դիւան հայ վիմագրութեան, Բն. Դ, էջ 37:

- 43 Դիւան հայ վիմագրութեան, Բն. Դ, 2, էջ 22, Բն. Գ, էջ 16, 55, 80, 96, 98, 162, 170, Բն. Դ, էջ 318, Բն. Դ, 5, էջ 13-15, 30, 55, 204, 225, Բն. Դ, 6, էջ 33, 34, 96, 103, 110, 151:
- 44 Նոյն տեղում, 18:
- 45 Նոյն տեղում, էջ 24:
- 46 Նոյն տեղում, էջ 20:
- 47 Նոյն տեղում, 22:
- 48 Դիւան հայ վիմագրութեան, Բն. Դ, էջ 51:
- 49 Դիւան հայ վիմագրութեան, Բն. Դ, էջ 220:
- 50 Նոյն տեղում:
- 51 Նոյն տեղում: